

¡BOMBA!

¡Ya lo dijo el santo Papa y lo dijo a voz en cuello!
"Toma, Congreso, esta papa; amor en matrimonio es bello!"



K'uintsil

Jueves 22 de octubre de 2022

CAMPECHE · YUCATÁN · QUINTANA ROO · AÑO 6 · NÚMERO 1342 · www.lajornadamaya.mx

KU YANTAL U YÁAX KO'OLEL BEETIK U DIÁCONAIL TU LU'UMIL YUCATÁN



SE ORDENA LA PRIMERA MUJER DIÁCONA EN YUCATÁN

María Adelaida Méndez Orozco máax yaan 69 u ja'abile', leti'e' yáax ko'olel jsúut diácona tu lu'umil Yucatán. Ba'ale' yáax táanile' tu máansaj junk'aal ja'abo'ob ichil najil k'uj romanail, tu kúuchil Templo de Nuestra Señora de la Consolación, k'ajóolta'an beey Monjas, ba'ale' ka'aj tu yilaj ko'olelo'ob ku luk'ulo'ob yiknal u yíchamo'ob wa ku lo'oxolo'obe', ma'atech u cha'abal u kóomulgaro'obe' tu jets'aj u k'exikubáaj ti' iglesia anglicana.

Je'el bix juntúul ko'olel ts'o'ok u k'aaba'intal diáconae' yaan u páajtal u beetik okja', u ts'o'oksik u beel máak yéetel u ts'áak xan liturgia, ba'alo'ob mix táan u yutstal u tukulkta'al u beeta'al ti' le uláak' najil k'uj tu'ux yáax yanchajij.

Méndez Orozco' ku ya'alik iglesia anglicanae' ts'o'ok u jelbesik bix u yilik ba'al: ts'o'ok u náachkunsik u tuukul, ba'ale' ba'ax jach táaj uts tu yiche', leti' u táakbesa'al tuláakal máak yéetel mixmáak ku p'a'atal paachil chéen yóok'lal xiib wa ko'olel, wa ba'ax u preferencial sexual.

ABRAHAM BOTE / P 5
Oochel Carlos Herrera Mendez

JE'ETS' LALAJ 5 TI' SEPTIEMBRE BEEY U K'IINIL MÁASEWAL KO'OLEL TU LU'UMIL MÉXICO

DECRETAN DÍA NACIONAL DE LA MUJER INDÍGENA CADA 5 DE SEPTIEMBRE

U k'iinil Máasewal Ko'olel tu Lu'umil Méxicoe', ts'o'ok u je'ets'el, lik'ul u k'iinil jo'oljeak, ichil tuláakal u noj lu'umil Méxicoe' yaan u k'a'ajsa'al lalaj 5 ti' septiembre, tumen beey ts'o'ok u je'ets'el ichil Diario Oficial de la Federación (DOF), ichil u jaatsil Secretaría de Gobernación.

Tu yáax k'iinil octubre máanika', u Plenoil Senado de la República tu táakmuk'taj, u a'almaj t'aanil ti'al u péektsilta'al u beeta'al jejeláas meyajo'ob ti'al yantal utsil kuxtal, kaambal yéetel táan óol ti' tuláakal máasewal ko'olel.

DLR / P 10